



# Veituberi ni Kuoramu ni Matabete i Eroni kei na Mataveiliutaki ni Kalasi ni Goneyalewa

## VEIKACIVI NI KALOU

- Cava na kena ibalebale niu kacivi mai vua na Kalou?

---



---

## MO DAU VEIQARAVI

- Au na kilai ira se lomani ira vakacava na lewe ni noqu kuoramu se kalasi?  
**VULICA TALE:** Na vunivola ni tabanalevu ena vakarautaka na ilavelave ni yaca ni kuoramu se kalasi.
- Meu muria vakacava nona vakaraitaki ni veiqaravi na iVakabula?

---



---

## ITAVI NI VEILIUTAKI

- Na soqoni cava meu tiko kina ka tuvana?  
**VULICA VAKALEVU BALETA:** na mataveiliutaki ni kuoramu se kalasi kei na matabose ni itabagone ni tabanalevu me ikuri ni soqoni ni Lotu kei na itaviqaravi (raica *iVoladusidusi: Veiqaravi ena na Lotu i Jisu Karisito ni Yalododonu Edaidai*, 10.4.3, 10.4.4, 11.3.4.3, 11.3.4.4, 29.2.9, [ChurchofJesusChrist.org](http://ChurchofJesusChrist.org)).
- Cava na noqu itavi vakaveiliutaki? Na iyaragi ni cakacaka cava e rawa ni vukei au?  
**VULICA VAKALEVU:** na ituvatuva ni bose (raica "*Sabolo ni iTuvatuva ni Bose ni Mataveiliutaki*"), liutaki ni soqoni, lesi ni tavi, vakananumi ira na vakaitavi, kidavaki ira na kuoramu se kalasi (raica *iVoladusidusi*, wase 4).

---



---

## TUVANAKA NA SOQONI KEI NA ITAVIQARAVI

- Cava me caka me vakabulabulataki ka me vakayalo na soqoni ni Sigatabu? (Raica *Lako Mai, Mo Muri Au—Me Baleta na Kuoramu ni Matabete i Eroni kei na Kalasi ni Goneyalewa.*)  
**VULICA VAKALEVU ENA:** [ComeFollowMe.ChurchofJesusChrist.org](http://ComeFollowMe.ChurchofJesusChrist.org).
- Cava me caka me vakaibalebale vakalevu cake na veiqaravi kei na itaviqaravi? (Raica "*iDusidusi ni Veiqaravi kei na iTaviqaravi ni iTabagone.*")  
**VULICA VAKALEVU ENA:** [ChildrenandYouth.ChurchofJesusChrist.org](http://ChildrenandYouth.ChurchofJesusChrist.org).

---



---



# iTukutuku vua na Matabisopi kei na iLiuliu Qase ni Cauravou kei na Goneyalewa

Nodratou itavi na Matabisopi me tuberi na mataveiliutaki kacivi vou ni kuoramu ni Matabete i Eroni kei na mataveiliutaki ni kalasi ni Goneyalewa. Nona tuberi na mataveiliutaki e ikalawa bibi nodra vukei na iliuliu ni itabagone me vuavuai vinaka na nodra veikacivi.

Na vurevure ogo e na vukea na matabisopi ena nodra tuberi na mataveiliutaki vou se oira era veiliutaki tiko. Na ivurevure qo kei na taro eso e rawa ni vakayagataki me liutaka e dua na veivosaki lekaleka me tuberi ira na mataveiliutaki vou se vei ira na matabose ni itabagone ena veigauna. Ena veidusimaki ni matabisopi, me ratou raillesuva na mataveiliutaki ni Cauravou kei na Goneyalewa na ivurevure qo ni matabose ni kuoramu se kalasi.

## NA IVUREVURE NI VEITUBERI

### Veikacivi ni Kalou 8–10 na MINITI

*"Meda iliuliu qaqa ni Lotu, eda na vulica na lesoni bibi ogo: na veiliutaki ena Lotu e sega ni baleta nodra dusimaki eso ia baleta noda gadreva meda dusimaki vua na Kalou"* (Dieter F. Uchtdorf, *"O Koya sa Uasivi vei Kemudou,"* Ensign se Liaona, Me 2017, 80).

- Era kacivi na mataveiliutaki ni kuoramu kei na kalasi ena vakatakila (raica [Joni 15:16](#)).
- Na mataveiliutaki ni kuoramu Matabete i Eroni era veiqaravi ena idola ka vakatikori ve ira nira vakadeitaki mera peresitedi ni kuoramu. Na Mataveiliutaki ni Goneyalewa era veiqaravi ena dodonu ni matabete era ciqoma ena gauna era vakatikori kina (raica na [Vunau kei na Veiyalayalati 42:11; 107:5; Yavu ni Vakabauta 1:5; iVoladusidusi, 3.4.1](#)).
- Na Mataveiliutaki ena saumi taro vua na Turaga kei ira na Nona iliuliu (raica na [Vunau kei na Veiyalayalati 104:11–13; iVoladusidusi, 4.2.6](#)).
- Na mataveiliutaki era ivakaraitaki vei ira na lewe ni kuoramu se kalasi (raica na [1 Timoci 4:12; Alama 17:2–3](#)).

### Veiqaravi vei Ira o Qarava 5–8 na MINITI

*"O sa kacivi mo matataka na iVakabula. . . . Na ligamu me veilaveti [sa yaco me] tautauvata kei na Ligana"* (Henry B. Eyring, *"Tacake ki na Nomu Veikacivi,"* Ensign se Liaona, Nove. 2002, 76).

- Kedra iwiliwili na yacadra ka vakabulabulataki ira o qarava (raica na [Moronai 6:4](#)).
- Vukei ira tale eso mera muria na iVakabula (raica na [iVoladusidusi, 4.2.3](#)).

### iLesilesi ni Veiliutaki 5–8 na MINITI

*"O koya ogo na mana ni veimatabose ni Lotu: ni da veirogoci vakai keda ka da vakarorogo ki na Yalotabu!"* (M. Russell Ballard, *"Veivakasalataki kei na Noda Matabose,"* Ensign, Me 1994, 26).

- Vakaitavi ena matabose ni itabagone ni tabanalevu (raica [iVoladusidusi, 29.2.9](#)).
- Vakayacora vakawasoma na bose ni mataveiliutaki ni kuoramu se kalasi (raica [iVoladusidusi, 10.4.3, 11.3.4.3; "Sabolo ni iTuvatuva ni Bose ni Mataveiliutaki"](#)).
- Vakatorocaketaka na kila maqosa ni veiliutaki me qaravi kina na cakacaka (raica na [iVoladusidusi, 4.2](#)).

### Tuvanaka na Bose kei na iTaviqaravi Eso 5–8 na MINITI

*"Na itaviqaravi kece, na lesoni kece, na veika kece eda cakava ena Lotu, e vakanamata vua na Turaga kei na Nona vale tabu"* (Russell M. Nelson, *"Nomu Vakavakarau ki na Veivakalougataki ni Valetabu,"* Ensign, Me 2001, 32).

- Vulica na nomu itavi (raica [iVoladusidusi, wase 10–11](#)).
- Tuvanaka ka veiliutaki ena veidusimaki ni Yalo Tabu (raica [Vunau kei na Veiyalayalati 43:8-9; 88:119; Moronai 6:9](#)).

## IKURI NI IVAKASALA

Me tomani tiko ga na vakatorocaketaki ni veiliutaki maqosa ena matabose ni itabagone kei na bose ni mataveiliutaki. Me baleta na ivurevure ni kena vukei na sasaga ogo, raica na [iVurevure ni Mataveiliutaki ni Kuoramu kei na Kalasi](#).